



Bibia por mituns

domegna	letōra	Bibia por mituns
22.06.	2. letōra Vangelo	1 Corinč 11, 23–26 Lüca 9, 11b–17 Gejú festejeia le past, pl. 251 Düc ven pasciüs, pl. 204



Vita de ploania y de paisc

- **Prozesciuns fora Brach con le Santiscimo:** i recordun l'ordino por les Antlès y Festa dal Cör de Gejú: scolari – joneza (*confarun zinich, bandira dai jogn, bandira dles jones, statua dal Bun Famei, statua de Santa Notburga, düc i jogn y dōtes les jones, confarun blanch, statua dal Cör de Gejú, statua de Santa Maria Imacolada*) – ei – stödafüs – scizeri – musiga – ciantadus – ministronc y preo con le Santiscimo – eres. An preia ch'al vegni porté döt cant y che i capi dles Uniuns fistidieii che zacai diji dant y an envieia che düc y dōtes diji empara! Al ven ince envié che les mitans mantegni la bela tradiziun da meter sö la gherlanda.



Enformaziuns y termins

KVW Senioenclub: en dedemesaledema ai 18 de jügn piunse ia con le bus dal Cone demez ales 8:19 por jí sön le Kreuzbergpass y da danló a pé sön la Nemes Alm.

Nos chedun tal Pere, co á cherié döt cant.

Nos cherdun tal Fi, co s'á salvé.

Nos cherdun dal Spirito Sant, co s'animeia.

Chisc trei é le su Dio, te chel che nos cristianes y nos cristiagn cherdun.

Döt le bun a:	Emma Obermair, <i>Feldthurns</i>	* 15.06.1945
	Erlacher Giuseppe	* 15.06.1950
	Angelo Trebo, <i>Grenchen (CH)</i>	* 16.06.1942
	Vigile Maneschg, <i>Salanz</i>	* 17.06.1945
	Irma Iuliana Trebo, <i>Al Plan</i>	* 19.06.1942
	Eduard Erlacher, <i>Al Plan</i>	* 19.06.1942
	Maria Kehrer, <i>Ciadura</i>	* 19.06.1945
	Lois Maneschg, <i>Bornech</i>	* 20.06.1942
	Monica Rungger Pedevilla	* 20.06.1950
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo, Roman Frontull, Manuela Runggaldier
Comunizaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

15.06.2025 - GRAN FESTA DLA SS. TRINITÉ

n. 29

**Gloria al Pere y al Fi y al Spirito Sant.
Gloria al Dio su co é, co é sté y co gnará. Alleluia!**
(aclamaziun dan le Vangelo)

📖 **Prov. 8, 22–31 | Rom 5, 1–5 | Jan 16, 12–15**

Por nes n'él nia meso da jí ete y enrescì la vita dla Santiscima Trinité: atló sunse dan da en mister gran y zona fin. Ma da ci ch'i sun bogn da tó sö de so lominus podunse dí che Chel Bel Dio é Sapionza y Amur. Belo i vedli stüdiés dai lüdes ti jea do ai fostüs dla creaziun de cösc monn y s'an â anadé che al mess ester na Sapionza demorveia do ia co manajeia döt (1ª letōra). Gejú Crist é spo sté chel co nes á spo daorí le tru a Dio Pere y nes á dé la virtù da ester bogn da amé, desche San Paul dij: „...deache l'amur de Dio é jüté fora te nüsc cörs tres le Spirit Sant, co nes é gnü dé (2ª letōra). Y cösc é le Spirito co nes fej tres deplü capí la verité che Idio é Amur (Vangelo). Sc'i ponsasson te nosta vita deplü a cösta verité, ti daorisson y mostrasson ben dessogü a trec le tru dal cristianesimo. da "Bibia di Sandis"

Dal Vangelo do San Jan:

Te chel tomp á Gejú dit a sü discepu: ¹²I á ciamó trep da ves dí, mo sen ne seise nia bogn da porté na te' ciaria. ¹³Mo canch'al ven el, le Spirit dla verité, ves condüjarál ete te dōta la verité. Deache al ne baiará nia fora de se enstes, mo al dijará ci che el alda, y ves encündará ci co gnará. ¹⁴El mo glorificará; deache al tolará de ci co é mio y ves l'encündará. ¹⁵Döt, ci che le Pere á, é mio; porchel ái dit: Al tol de ci co é mio y ves l'encündará.



**Mo canch'al ven el, le Spirit dla verité,
ves condüjarál ete te dōta la verité.**

Jan 16, 1s

📖 **Letōres dla Gran festa d'Les Antlès - Corpus Domini:**
Gen 14, 18–20 | 1 Cor 11, 23–26 | Lc 9, 11b–17

Edema liturgica dai 15.06. ai 22.06.2025		
DOM 15.	GRAN FESTA DLA SS. TRINITÉ DOMEGNA DLES FAMILIES	<i>Vitus, Germana, Lothar, Gebhard</i>
08:15	gran messa por dōta la ploania s.m. de rengraziamont por la vita y la sanité s.m. por les families de Bolser	oferta por la ploania
10:00	gran messa a Al Plan	
Lön 16.	<i>Benno, Iustina</i>	
19:00	s.m. por la sanité s.m. por † Heinrich Willeit, Cianoré s.m. por fam. Obmascher, Valsperch	
Ded 17.	<i>Rainer, Adolf</i>	
07:30	s.m. a Antermeia	
Dem 18.	<i>Felize</i>	
Jöb 19.	<i>Romuald, Elisabeth, Iuliana</i>	
07:30	s.m. a Rina	
Ven 20.	<i>Adalbert, Margareta</i>	
07:30	s.m. a Al Plan	
Sab 21.	<i>Sabeda de Santa Maria Alvije (Lovije) da Gonzaga</i>	
07:30	s.m. por † Paul y Margherita Pedevilla, La Munt s.m. por † Thomas Ploner, La Munt s.m. de rengraziamont por na familia da Valsperch	
18:00	s.m. prefestia a Al Plan	
DOM 22.	GRAN FESTA D'LES ANTLÉS - CORPUS DOMINI	<i>Paulin, John Fisher y Thomas Morus, Christina, Wilhelm</i>
08:15	gran messa por dōta la ploania s.m. por † signor Merch Graffonara, ploan s.m. por †† Franz y Teresa Taibon, dal Bas s.m. por †† Teresa y Pire Konrater, da Biei	→ oferta por le confarun blanch
→ 14:00	espi da festa y prozesciun eucaristica fora Brach	
10:00	gran messa a Al Plan	
<i>ministronc:</i>	• lönesc y sabeda: Maria B. y Lena • domegna: Sophie y Marie, Matteo y Filip	
<i>i recordun:</i>	Margherita Pedevilla † 15.06.2023 ⁶	



Trei mans, öna na merscia

I ponsi do

*Dio Pere, Fi y Spirit Sant:
en Dio su co se
manifesteia desco
Creatur, Salvatur y
Consoladú, en Dio co
porta ala conescionza dla
Verité y ala vita tal Amur.
Al é en mister tan gran ch'i
se stontun da capí.
Al basta endere le cherí
tla vita da vignedé y tles
cosses dla creaziun:
danlo ciafunse saorí la
merscia dla Trinité.*

I preii ensciö

I lasci che tö arveni la storia y la vita dl'umanité. Te l'as cheriada con töa sapionza, te i as orü bun con en amur zonga fin, te l'as salvada canche ara ea jüda a perde y roada dalunc da te. Al n'é nia öna na cossa fata endortöra, al n'é nia önn en der' sentimont, al n'é nia öna na bona esperionza co ne n'á nia la merscia dla presenza dal Pere, Fre y Spirit de vita. I ciari anentoronn y döt mo fej ponsé a te! Al ne va nia debojügn ch'i te chiri i ne sá nia olá, tles galassies dl'univers o tai tomps passés dla storia. Tö es atló, sen, y te mo tignes con töa man paterna, t'es atló y mo stas dlungia desco en fre y en amí y mo das coraji con to Spirit de santité. O Trinité grana y santa zonga fin, iolan ch'i pó sontí töa presenza ince sc'i ne sun nia bun da capí.

Walter Cazzaniga, Parola amica – Il Vangelo della domenica per ragazzi



Domegna dles families

Bel Dio,
tan bel ch'al é da sté te familia,
mo nia dagnora ne vára da se gní.
Spo oresson sontí endô ligreza,
ciafé la bona löna,
podei deboriada s'la rí.

Deidesse tö Bel Dio
da odei le bel y le bun
te nos, tles porsones, tal monn,
che i anse edli co veiga,
oredles co alda,
y le cör davert
por se capí, se daidé, se pordené.
Fá che i portunse ligreza
y viunse speranza:
con en s'la rí, na bona parora,
n gest da orei bun.

I te dijun iolan che tö es pa nos,
ennier, encö y en doman.

Amen

Annamaria Fiung

